



**Nasjonalparkstyret  
for Reinheimen**

**Postadresse**  
Postboks 987  
2604 LILLEHAMMER

**Besøksadresse**  
Norsk Fjellsenter,  
Brubakken 2, 2686 Lom  
Norsk Tindesenter  
Havnegata 2, 6300 Åndalsnes

**Kontakt**  
Sentralbord: +47 61 26 60 00  
Direkte: +47 61 26 62 05  
fminpost@statsforvalteren.no  
<http://www.nasjonalparkstyre.no/reinheimen>

Lesja fjellstyre

Saksbehandler Mari Melbø Rødstøl

Vår ref. 2021/2551-3 432.3

Dykkar ref.

Dato 17.03.2021

## Dispensasjon - Reinheimen NP - oppføring av utedo ved bu Nordre Grønvatnet - Lesja fjellstyre

Nasjonalparkstyret har i møte 12.03.21 gjort slik vedtak i saka:

### Vedtak

*Med heimel i naturmangfaldlova § 48, får Lesja fjellstyre dispensasjon til å oppføre utedo ved Nordre Grønvassbu i Reinheimen nasjonalpark. Tiltakets omfang vil ikkje vera i strid med verneføremålet eller påverke verneverdiane i nemneverdig grad.*

### Dispensasjon er gjeve med følgjande vilkår:

- Utedoen skal plasserast i nærleik av hytta. Endeleg plassering i terrenget skal skje i samråd med forvaltar.
- Fundamentet på utedoen skal være ein enkel mur med naturstein.
- Utvendig kledning skal vera av same type og farge som på tilknytt hytte.
- Takmaterialet skal vera av tre eller takshingel/papp.
- Bygget skal følgje mål på vedlagt bilete (ytte mål maks 90 m X 1,03 m).
- Etter oppføring med grunnmur skal bygget ha ein maks høgde på 3 meter.
- 

*Frist for gjennomføring av tiltaket inkludert opprydding er sett til **01.10.2022**. SNO-Reinheimen vil kontrollere at tiltaka er gjennomført i samsvar med vedtaket.*

### Klage:

Vedtaket kan klagast inn for Miljødirektoratet av partar i saka eller andre som har rettsleg klageinteresse med ein frist på 3 veker jf. forvaltningslova § 28. Ei eventuell klage skal rettast til Miljødirektoratet, men sendast til Nasjonalparkstyret for Reinheimen.

Med helsing

Mari Melbø Rødstøl  
nasjonalparkforvaltar

Etter våre rutinar er dette brevet godkjent og sendt utan underskrift



Kopi til:

Lesja kommune

Statsforvalteren i Innlandet

Kristine Sørli

Reinheimen-Breheimen villreinutval v/Knut  
Granum

Statens naturoppsyn v/Thomas Rødstøl

Statens Naturoppsyn v/Per Olav Haugen

|              |      |             |
|--------------|------|-------------|
| Postboks 53  | 2665 | LESJA       |
| Postboks 987 | 2604 | LILLEHAMMER |



## Saksframlegg

Arkivsaksnummer: 2021/2551-2

Saksbehandlar: Mari Melbø Rødstøl

Dato: 05.03.2021

|                                   |                  |                 |
|-----------------------------------|------------------|-----------------|
| <b>Utval</b>                      | <b>Utvalssak</b> | <b>Møtedato</b> |
| Nasjonalparkstyret for Reinheimen | 21/2021          | 12.03.2021      |

## Saksprotokoll i Nasjonalparkstyret for Reinheimen - 12.03.2021

Samrøystes som innstillinga.

### Vedtak

*Med heimel i naturmangfaldlova § 48, får Lesja fjellstyre dispensasjon til å oppføre utedo ved Nordre Grønvassbu i Reinheimen nasjonalpark. Tiltakets omfang vil ikkje vera i strid med verneføremålet eller påverke verneverdiane i nemneverdig grad.*

#### Dispensasjon er gjeve med følgjande vilkår:

- Utedoen skal plasserast i nærleik av hytta. Endeleg plassering i terrenget skal skje i samråd med forvaltar.
- Fundamentet på utedoen skal være ein enkel mur med naturstein.
- Utvendig kledning skal vera av same type og farge som på tilknytt hytte.
- Takmaterialet skal vera av tre eller takshingel/papp.
- Bygget skal følgje mål på vedlagt bilete (ytte mål maks 90 m X 1,03 m).
- Etter oppføring med grunnmur skal bygget ha ein maks høgde på 3 meter.
- Frist for gjennomføring av tiltaket inkludert opprydding er sett til **01.10.2022**. SNO-Reinheimen vil kontrollere at tiltaka er gjennomført i samsvar med vedtaket.

**Vedtaket gjeld i høve verneforskrift. Tiltaket må avklarast med grunneiger og kommune.**

### Dokument i saka

- Søknad frå Lesja fjellstyre epost, 24.02.2021.
- Retningsliner for vurdering av presedens i byggesaker etter naturmangfaldlova § 48.



## Saksopplysningar

### Søknaden

Lesja fjellstyre søker om å få sette opp utedo ved fjellstyrets bu ved Nordre Grønvatnet GID 3432/157/1/54 i Reinheimen nasjonalpark. Det er ikkje nokon doløysing ved Nordre Grønvassbu i dag. Terrenget er ope rundt bua og det er difor eit behov for ein do med veggjar og tak. Doen vil bli kjørt innover i forbindelse med en av tilsynsturene som ble innvilget fra vernemyndigheten i sak 2020/13338-2 432.3.



90x105 cm (utvendig).

Bilete av liknande utedo. Størrelse på doen er



Pila syner kor hytta ved Nordre Grønvassbu ligg.

### Søknaden blir vurdert etter:

- Verneforskrift for Reinheimen nasjonalpark, 24.11.2006
- Forvaltningsplan for Reinheimen, mars 2010
- Naturmangfaldlova, 19.06.2009

## Heimelsgrunnlag

### Delegering

Nasjonalparkstyret for Reinheimen har delegert forvaltningsmyndigheit for Reinheimen nasjonalpark og tilhøyrande landskapsvernområde og naturreservat i medhald av naturmangfaldlova § 62 og nasjonalparkstyret sine vedtekter, sist revidert 17.08.2015.

### Verneformål – forskrift

«Føremålet med oppretting av Reinheimen nasjonalpark er å:

- ta vare på eit stort, samanhengande og villmarksprega fjellområde
- ta vare på eit høgfjellsøkosystem med eit eigenarta og variert biologisk mangfald
- ta vare på sentrale leveområde til villreinstammen i Ottadalen nord
- ta vare på eit viktig referanseområde for forskning med ein aust-vest gradient med stor variasjonsbreidde i høve til geologi, klima, vegetasjon og topografi
- ta vare på landskapsformer og særprega geologiske førekomstar
- ta vare på vassdragsnaturen i området
- verne om kulturminne.

Ålmenta skal ha tilgang til naturoppleving gjennom utøving av tradisjonelt og enkelt friluftsliv med liten grad av teknisk tilrettelegging.»



Reinheimen nasjonalpark er verna mot inngrep som vesentleg kan endre eller verke inn på landskapet sin art eller karakter. Med dei unntaka som følgjer av forskrifta punkt 1.2 og 1.3 er det forbod mot nye bygg, jf. verneforskrift § 3, pkt. 1.1.

Forvaltningsstyresmakta kan med heimel i verneforskrifta, § 3, pkt. 1.3.

*a) Gjenoppføring av bygningar som går tapt ved brann eller naturskade.*

*b) Ombygging og utviding av eksisterande bygningar.*

## Forvaltningsplan

I forvaltningsplan er vernereglane for bygningar og byggetiltak mm. utdjupa, jf. retningslinjer, pkt. 4.3.2, frå s. 38:

**Byggjeskikk** § 3, pkt 1.2, a og 1.3, a, b og c.

*Ved vedlikehald og restaurering skal ein leggje vekt på å ta vare på viktige element i*

- Materialval
- Byggjeteknikk
- Utforming og farge,

*jf. opplistinga ovafor.*

*Ved godkjenning av byggjetiltak etter søknad skal det settast vilkår om at dei blir gjennomført slik at dei ikkje dannar ein kontrast til eksisterande bygningar eller verkar skjemmande i landskapet. Ombygging, utviding og nybygg skal skje i samsvar med tradisjonell byggeskikk og tilpassast landskapet.*

**Nye bygg** § 3, pkt 1.1,

*Nye bygg tillatast ikkje oppført*

## Naturmangfaldlova

Naturmangfaldlova § 48 inneheld tre alternativ for dispensasjon frå vernevedtak. Det kan gjevast dispensasjon dersom det ikkje strider mot vernevedtaket sitt føremål og ikkje kan påverke verneverdiane nemneverdig, eller dersom omsyn til tryggleik eller omsyn til vesentlege samfunnsinteresser gjer det nødvendig. Dersom eit omsøkt tiltak eller aktivitet ikkje strider mot vernevedtaket sitt føremål og ikkje kan påverke verneverdiane nemneverdig, kan forvaltningsmyndigheita vurdere dispensasjon etter § 48.

## Presedens

I enkeltsaker skal ein vurdere verknaden av presedens ved at andre kan få dispensasjon til liknade tiltak i verneområdet. Dette følgjer ikkje minst krav til likebehandling.

Presedensvurdering bør vera så konkret som mogleg, jf. Retningslinjer for vurdering av presedens i byggesaker etter naturmangfaldloven § 48, gjeve av KLD, ved brev frå Miljødirektoratet 02.03.2015.



## Vurdering

Det er søkt om å bygge utedo ved fjellstyrehytta på Nordre Grønvassbu. Det er ikkje nokon utedo på denne hyttane frå før, så dette vil reknast som eit nybygg. Oppføring av nye bygg er jf. verneforskrift for Reinheimen, § 3, pkt. 1.1 ikkje tillate. Saka må derfor behandlast etter naturmangfaldlova § 48, som unntak frå vernevedtaket.

Presedensvirknad: Det er allereie gitt løyve til å byggje utedo ved ein rekke andre fjellstyrehytte i Reinheimen.

Tiltaket er vurdert etter naturmangfaldlovas §§ 8-12:

Kunnskapen om naturverdiar og villreinen sin arealbruk i området er god, jf.

naturmangfaldlova § 8, (kunnskapsgrunnlaget) og § 9 ( føre-var prinsippet).

Økosystemtilnærming og samla påverknad, jf. naturmangfaldlova § 10. Dette er ei hytte som blir relativt lite besøkt då det tar ca 5-6 timar å gå dit. Eit utedo her trur vi ikkje vil føre til ekstra besøk, men vil heller hindre forsøpling rundt det flate landskapet rundt hytta. For villrein er det auka besøk som stresser bestanden, og då dette bygget ikkje aukar overnattingskapasiteten, vil dette truleg ikkje kome i konflikt med villreinen. § 12 om miljøforsvarlege teknikkar og driftsmetoder §11, er ikkje vurdert som relevant i dette tilfelle. Lesja fjellstyre har allerie fått innvilga motorisert ferdsel til hyttene, så utedoen vil bli køyrt inn i samband med ein av turane dei allereie har løyve til.

Sidan hyttene blir benytta til overnatting kan eit utedo hindre forsøpling av dopapir i desse områda og nytta av eit utedo vil være større enn ulempen. Ut ifrå ei total vurdering og med dei vilkåra som er satt, vil tiltaket ikkje stride mot verneføremålet for nasjonalparken.